

Ո Ր Ո Շ ՈՒ Մ

Վարչական բողոքը մասնակի բավարարելու, Ճանապարհային ոստիկանության վարչական փուլի նշանակելու մասին 22.11.2017թ. թիվ 1707156347 որոշումը բեկանելու, իսկ 22.11.2017թ. թիվ 1707156329 որոշումներն անփոփոխ թողնելու մասին

<< 12 >> 01 2018թ. 17-4-23574-17/17-4-23

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Վարդան Հարությունյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Ավան վարչական շրջանի Խսահակյան թաղամասի 2/7 շենքի 51-րդ բնակարանի բնակիչ Վարդան Հարությունյանը դիմումով խնդրել է վերանայել Ճանապարհային ոստիկանության վարչական փուլի նշանակելու մասին թիվ 1707156347, 1707156329 որոշումները՝ նշելով, որ իրավախախտումները նույնափուլ են:

Դիմումի քննարկման արդյունքում պարզվել է, որ 22.11.2017թ. թիվ 1707156347 որոշումը ենթակա է բեկանման՝ հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 124-րդ հոդվածի 38-րդ մասի համաձայն՝ սույն հոդվածի 9-րդ մասերով նախատեսված վարչական իրավախախտումն ունի նվազ նշանակություն այն դեպքում, երբ դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վրանգ չի ստեղծվել, ինչպես նաև այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով:

Իրավախախտումն ամրագրած տեսանյութից հստակ երևում է, որ դիմումատու կատարել է հետընթաց, որի հետևանքով խոչընդոտ չի հանդիսացել երթևեկության մասնակից մյուս տրանսպորտային միջոցների վարորդների համար:

Այսպիսով, հիմնավորվում է, որ դիմումատուի արարքում բացակայում է մեղքը, հետևաբար առկա չէ զանցակազմը:

Ինչ վերաբերում է վարչական փուլի նշանակելու մասին 22.11.2017թ. թիվ 1707156329 որոշմանը, ապա այն վերանայելու հիմքեր չկան, քանի որ Ճանապարհային ոստիկանության վարչական փուլի նշանակելու մասին 22.11.2017թ. թիվ 1707156329 որոշմամբ իրավախախտումն ամրագրած տեսանյութի լրացուցիչ ուսումնասիրությամբ պարզ է դառնում, որ Երևան քաղաքի Սարյան – Կ.Դեմիրճյան խաչմերուկի հատվածում հատվածում դիմումատուի տրանսպորտային միջոցը տեղակայված է եղել ՀՀ կառավարության Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին թիվ 955-Ն որոշմամբ սահմանված՝ 3.27 <<Կանգառն արգելվում է>> ճանապարհային նշանի ազդման գոտում:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասի հատկանիշները, հետևաբար նրան վարչական պատասխանատվության ենթարկելու մասին որոշումներն օրինական են և իրավաչափ:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 22.11.2017թ. թիվ 1707156347 որոշումը բեկանել և վարչական իրավախախտման վերաբերյալ գործը կարճել:
2. Ճանապարհային ոստիկանության վարչական տույժ նշանակելու մասին 22.11.2017թ. թիվ 1707156329 որոշումը թողնել անփոփոխ, իսկ վարչական բողոքը՝ դրան վերաբերող մասով, առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Վարդան Հարությունյանին և ՃՈ ՏՄՀԽԱ կենտրոն:



Ե. Կարապետյան